

Mensahe 10

**Nagdumalang Mga Prinsipyo
nga Kinahanglan Natong Makita ug Masinati
aron Mapanag-iya si Cristo nga Maayong Yuta**

Basahong Kasulatan: Col. 2:6; 1 Cor. 6:17; 12:12-13;
Buh. 9:3-5; Exo. 13:21-22; Col. 4:2

- I. “Busa kay gidawat na man ninyo ang Cristo, si Jesus nga Ginoo, paggawi mo diha Niya”—Col. 2:6:**
- A. Kay nadawat na man nato si Cristo, maggawi gyod ta diha Niya; ang paggawi mao ang pagkinabuhi, paglihok, ug pagpaanaa sa atong pagkatawo diha ni Cristo aron makapahimulos ta sa Iyang kadato, maingon nga nagkinabuhi ang mga anak sa Israel sa maayong yuta, nagpahimulos sa tanang dagayang abot niini.
 - B. Ang maayong yuta karon mao si Cristo nga Espiritung malangko-bon-sa-tanan (Gal. 3:14), nga nagpuyo sa atong espiritu (2 Tim. 4:22; Rom. 8:16) aron atong mapahimuslan.
 - C. Ang paggawi uyon sa espiritu ug pinaagi sa Espiritu (v. 4; Gal. 5:16) maoy sentro ug mahinungdanong punto sa Bag-ong Tugon.
- II. Aron makagawi diha ni Cristo, sa ato pa, makagawi uyon sa espiritu ug pinaagi sa Espiritu nga realidad sa maayong yuta, kinahanglan natong makita nga ang sekreto sa espirituhanong pakig-ambitay sa gipanganak pag-usab nga mga magtutuong may tulo ka bahin ug sa nahingpit nga Tulo-usang Dios mao ang 1 Corinto 6:17—“Siya nga nausa sa Ginoo usa ka espiritu”:**
- A. Nagsimba ta sa Dios Espiritu ginamit ang atong espiritu—Juan 4:24.
 - B. Gipanganak ta pag-usab sa Dios nga Espiritu aron mahimong espiritu—3:6.
 - C. Ang Espiritu nisaksi uban sa atong espiritu nga mga bata ta sa Dios—Rom. 8:16.
 - D. Nahimo tang puluy-anan sa Dios diha sa atong espiritu, ug ang Espiritu maoy Nagpuyo-sa-sulod—Efe. 2:22.
 - E. Naa sa atong espiritu si Ginoong Jesus nga pneumaticong Cristo ug Espiritung taghatag-og-kinabuhi—2 Tim. 4:22; Rom. 8:10.
 - F. Kon nagpuyo diha nato ang Espiritu Niya nga nagbanhaw ni Jesus gikan sa mga minatay, Siya nga nagbanhaw ni Cristo gikan sa mga minatay maghatag sab og kinabuhi sa atong mga lawas nga dunay kamatayon pinaagi sa Iyang Espiritu nga nagpuyo nato—v. 11.
 - G. Kon patyon nato pinaagi sa Espiritu ang binuhatan sa lawas, mabuhi gyod ta—v. 13b.
 - H. Gipatumong nato ang atong salabotan sa espiritu alang sa kinabuhi ug kalinaw—v. 6.
 - I. Sila nga mga iya ni Cristo Jesus nakalansang na sa krus sa unod ug sa mga tinguha ug pangibog niini (pinaagi sa Espiritu)—Gal. 5:24.

NAGDUMALANG MGA PRINSIPYO

Mensahe 10 (sumpay)

- J. Maggawi ngani ta pinaagi sa Espiritu, dili gyod nato matuman ang pangibog sa unod—v. 16.
- K. Kon magkinabuhi ta pinaagi sa Espiritu, maggawi sab ta pinaagi sa Espiritu—v. 25.
- L. Maggawi ta (maanaa ang atong pagkatawo) diha sa ug uyon sa espiritu (sa nasagol nga espiritu) aron matuman ang pagkamatarong sa kasugoan—Rom. 8:4.
- M. Pinaagi sa madagayaong sangkap sa Espiritu ni Jesucristo, magkinabuhi ta ni Cristo ug magpadako Niya—Fil. 1:19b-21a.
- N. Mag-ampo ta sa tanang panahon diha sa espiritu—Efe. 6:18.
- O. Gibalaan ta diha sa Espiritu—Rom. 15:16.
- P. Gibag-o ta pinaagi sa Espiritu diha sa atong espiritu—Tito 3:5; Efe. 4:23.
- Q. Gitransporma ta sa Ginoong Espiritu ngadto sa mahimayaong dagway ni Cristo—2 Cor. 3:18.
- R. Ang Espiritu isip nahingpit nga Tulo-usang Dios ug ang pangasawonon isip natranspormang tawo nga may tulo ka bahin mahimo gyong espirituhanong magtiayon, nga pagkasagol sa Dios ug sa tawo (Bug. 22:17a), aron mahimong nahingpit nga Bag-ong Jerusalem alang sa walay kataposang pagdako ug pagpadayag sa diosnong himaya nga napadayag diha sa nahimayang katawhan (21:10-11).

III. Kinahanglan natong makita nga ang Personang kagawian nato mao si Cristo diha sa hingpit nga pagpangalagad Niya sa tulo ka hugna:

- A. Ang sentrong pinadayag sa Dios mao ang nag-uswag nga pinadayag sa Dios diha sa Biblia—ang “ulitawo” nga Dios, ang nagpakatawong Dios, ang nagtubos nga Dios, ang sinakot nga Dios, ang gipakusgan nga Dios, ang nagpuyo-sa-sulod nga Dios, ug ang natagik nga Dios; ang natagik nga Dios mao ang Lawas-Cristo nga mahingpit sa kinataposan sa “naminyo” nga Dios, sa natagik nga Dios sa kinataposan, ang Bag-ong Jerusalem.
- B. Ang pahiuli sa Ginoong pagpahiuli man ni Cristo diha sa hingpit nga pagpangalagad Niya sa tulo ka hugna—pagpakatawo, paglakip, ug pagpakusog; ang pahiuli sa Ginoong mao ang Dios nga nahimong unod, ang unod nga nahimong Espiritung taghatag-og-kinabuhi, ug ang Espiritung taghatag-og-kinabuhi nga nahimong Espiritung gipakusgan sa pito ka pilo aron matukod ang iglesia nga mahimong Lawas ni Cristo ug maghingpit sa Bag-ong Jerusalem:
 - 1. Ang *Dios nga nahimong unod* mao ang “ulitawo” nga Dios nga nahimong nagpakatawo ug nagtubos nga Dios—Juan 1:1, 14, 29.
 - 2. Ang *unod nga nahimong Espiritung taghatag-og-kinabuhi, ug ang Espiritung taghatag-og-kinabuhi nga nahimong Espiritung gipakusgan sa pito ka pilo* mao ang sinakot nga Dios nga nahimong

MGA TALAMDAN SA PAGBANSAY

Mensahe 10 (sumpay)

gipakusgan nga Dios aron mahimong Dios nga nagpuyo-sa-sulod—
1 Cor. 15:45b; Bug. 1:4; 3:1; 4:5; 5:6.

3. *Ang tinukod nga iglesia nga nahimong Lawas ni Cristo ug maghingpit sa Bag-ong Jerusalem* mao ang natagik nga Dios, ang Lawas-Cristo, nga maghingpit sa Bag-ong Jerusalem, ang kinasang-ang pagkausa, pagkasagol, ug panagtagik sa nahikay ug nahingpit nga Tulo-usang Dios ug sa nahikay ug nahingpit nga iglesiang may tulo ka bahin—Juan 17:21; Efe. 4:4-6, 16; Col. 2:19; Bug. 19:7-9; 21:2, 9-10.

IV. Ang pahiuhi sa Ginoo karon pagpahiuhi man sa Lawas-Cristo (“ang Cristo”) diha sa iglesiahanong kinabuhi; ang Lawas-Cristo mao ang natagik nga Dios; busa, ang paggawi diha ni Cristo paggawi man diha Niya nga Lawas-Cristo, nga mao ang natagik nga Dios—1 Cor. 12:12-13; Buh. 9:4-5, 15; Col. 2:19; Efe. 4:1-6, 15-16; Juan 14:23; 17:21:

- A. Niingon ang 1 Corinto 12:12, “Maingon nga usa ra ang lawas ug daghag bahin, apan ang tanang bahin sa lawas, bisan daghan, usa ra ka lawas, ingon man sab ang Cristo”; dili tinagsang Cristo “ang Cristo” ning versiculo ha kondili ang hiniusang Cristo, si Cristo nga natagik sa tanang bahin Niya.
- B. Kini ang hiniusang “Ako” nga nakita ni apostol Pablo sa nagbuntog nga pagkakabig niya ngadto ni Cristo; nakita niya nga usa diay ka dakong persona si Ginoong Jesus ug ang mga magtutuo Niya—ang kahibulongang “Ako”—Buh. 9:3-5.
- C. Makita gyod unta nato nga ang Cristo diin maggawi gyod ta karon dili man ang tinagsang Cristo kondili ang kahibulongang “Ako,” ang Lawas-Cristo, nga mao ang natagik nga Dios.
- D. Ang pagdawat ug paggawi diha ni Cristo pagdawat ug paggawi man diha sa Lawas-Cristo, kay hiniusang Lawas man si Cristo karon; dili lang tinagsang Cristo si Cristo kondili hiniusang Cristo sab, ang Ulo ug ang Lawas; makapauswag gyod sa Cristohanong kinabuhi nato ang paggawi nato diha sa hiniusang Cristo.
- E. Ang pahiuhi sa Ginoo pagpahiuhi man sa “pagkahimong Cristo,” ang pagpahiuhi nga putli ug bug-os gyong iya sa persona ni Cristo aron mabatonan ang realidad sa Lawas-Cristo diha sa iglesiahanong kinabuhi—1 Tes. 5:23; Fil. 1:19-21a; 3:8-14; 2 Cor. 2:10; Col. 3:10-11.
- F. Gitukod sa Ginoo karon ang Lawas-Cristo diha sa iglesiahanong kinabuhi; diha sa Lawas-Cristo, giumol si Cristo nganha sa tanang bahin Niya, ug giumol ang tanang bahin Niya nganha Niya pinaagi sa pagtubo ug pagkatransporma sa kinabuhi aron mapadayag si Cristo—2:19; Rom. 12:2; 2 Cor. 3:18; 1 Cor. 12:12-13:
1. Diha sa Lawas-Cristo mapahimuslan nato si Cristo nga tanan—vv. 3b, 13.

NAGDUMALANG MGA PRINSIPYO

Mensahe 10 (sumpay)

2. Diha sa Lawas-Cristo naglihok ang tanang bahin—vv. 14-22.
3. Diha sa Lawas-Cristo nasakot ang mga bahin diha sa pagkausa sa Tulo-usang Dios—vv. 23-27; Juan 17:21; Efe. 4:1-6.

V. Aron makapanag-iya ug makagawi diha ni Cristo nga malangko-bon-sa-tanan isip realidad sa maayong yuta, makita gyod unta nato nga mahinungdanon kaayo ang presensya sa Ginoo alang nato sa kinabuhi ug buhat nato diha sa Ginoo; sa Exodo 33:12-17 nihangyo si Moises sa Dios nga mouban unta niya ug sa katawhan sa Dios ang Iyang presensya; nitubag ang Dios sa pag-ingon, “Mag-uban nimo ang Akong presensya, ug papahulayon ka Nako”—v. 14:

- A. Nabuhi ang Ginoo sa sulod nato, ug mag-uban Siya bisan asa ta moadto, apan mag-uban ba nato ang Iyang presensya? Daghang panahon nga motabang tingali nato ang Ginoo, apan dili tingali Siya malipay nato; madumalahan gyod unta ta sa direkta, primera manong presensya sa Ginoo.
- B. Ang presensya, ang pahiyom sa Ginoo, maoy nagdumalang prinsipyo aron makasulod ug mapanag-iya nato si Cristo nga realidad sa maayong yuta; ang presensya sa Dios mao ang paagi kun dalan, ang “mapa,” nga magpakita sa Iyang katawhan sa dalan nga angay nilang lakwan.
- C. Segun sa hulagway sa Exodo, nag-una nila ang presensya sa Ginoo sa “maadlaw diha sa haligi nga panganod aron maggiya nila sa dalan, ug magabii diha sa haligi nga kalayo aron mag-iwag nila, aron makalakaw sila sa adlaw ug sa gabii. Wala mobiya sa atubangan sa katawhan ang haligi nga panganod maadlaw o ang haligi nga kalayo magabii”—13:21-22:
 1. Sa tipolohiya nagtimaan ang panganod sa Espiritu (1 Cor. 10:1-2), ug ang kalayo, nga maghayag, nagtimaan sa Pulong sa Dios (Sal. 119:105; Jer. 23:29); busa, ang dihadaha, buhi nga paggiya sa presensya sa Dios naggikan sa Espiritu ba o sa Pulong.
 2. Nagsimbolo ang duha ka haligi sa Dios mismo, kay Siya man ang Espiritu ug ang Pulong (Juan 4:24; 1:1); labot pa, ang Pulong mao sab ang Espiritu (6:63; Efe. 6:17).
 3. Tungod niana, usa ra ang Dios, ang Pulong, ug ang Espiritu nga sigeng manguna ug maggiya nato, maadlaw ba o magabii; sa Cristohanong kinabuhi walay kalainan ang adlaw ug gabii, kay ang kahayag sa haligi nga kalayo naghimo mang adlaw sa gabii.
- D. Gipakita sab sa Exodo kanato nga si Cristo nga Manulonda ang nanguna sa katawhan; sa paglihok sa Manulonda sa Dios, nilihok sab ang haligi, nagpakita nga usa ra ang Manulonda ug ang haligi; dili mabulag si Cristo ug ang nangunang Espiritu (14:19; Juan 14:17-20; 16:13; 2 Cor. 3:17; Bug. 5:6); labot pa, mag-atubang nganig pagsupak ang mga nagsunod sa Ginoo, mahimo dayong nanalipod nga kahayag

MGA TALAMDAN SA PAGBANSAY

Mensahe 10 (sumpay)

ang naggiyang kahayag; apan, ngadto sa mga magsusupak mahimong kangitngit ang nanalipod nga kahayag (Exo. 14:20).

VI. Aron mapanag-iya ug maggawi diha ni Cristo nga malangkobon-satanan isip realidad sa maayong yuta, magkinabuhi ug mag-alagad gyod ta diha sa realidad sa pagkasacerdote nga dunay daghan ug maganirong pag-ampo sa atong kinabuhi ug pag-alagad—1 Ped. 2:5, 9; Col. 4:2:

- A. Buhi ug lunhaw ug gipadayaga ba ang iglesia nag-agad gyod ning usa ka butang—nga mapadayonon tang gipuno sa Espiritu; aron mapadayonong mapuno sa Espiritu, kita gyod unta kadtong andam, basiyo ug nag-ampo—v. 2; Fil. 2:13; Mat. 5:3, 8; Luc. 1:53; Efe. 5:18.
- B. Ang kaalam, pagpanabot, kahibalo, ug kahanas alang sa halangdong buhat sa pagtukod sa iglesia mao gyod ang Dios mismo nga Espiritu kanato; ang Espiritu sa Dios ray makatukod sa kaugalingon Niyang puluy-anan pinaagi nato—Exo. 31:1-3; Zac. 4:6.
- C. Kon magmalahutayon sa pag-ampo ang tanang balaan sa tanang iglesia, mapadagaya ug mapausbaw gyod pag-ayo ang pahiuli; labot pa, magpahimulos ang mga balaan sa Ginoo, sa Iyang presensya, ug sa dihadaha ug mapadayonong pagdihog Niya; magpahimulos sila sa pahiyom sa nawong sa Ginoo sa tibuok adlaw, ug masinati ug mapahimuslan nila ang buhing persona ni Cristo.